



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvator Lib. Sententiarvm M. Petri Lombardi

Spina, Claudius de

Parisiis, 1551

46. de pertinentibus ad iudicium.

urn:nbn:de:hbz:466:1-38840

in li. de orando Deum.

August. Angelis qui sunt apud Deum, innotescunt petitiones nostræ, vt quomodo offerant Deo, & de iis consulant: & quod Deo iubente implendum cognouerint, hoc nobis euidenter vel latenter reportent. vnde & Angelus hominibus ait: Cum oraretis, orationem vestram obtuli Deo. Ad omnia quidem sciēda sufficit Deo sua perfectio: habet tamen suos nuncios, id est angelos: non qui ei quæ nescit annunciant: sed bonum eorum est de operibus suis consulere veritatem. & hoc est quod dicuntur nonnulla nunciare, non vt ipse ab eis discat, sed vt ab eo missi ad quos voluerit, quid sibi faciendum, quibus & quādo nunciandum sit, &c. Si autem Angeli à Deo per verbum eius discunt petitiones nostras, & quid de iis implendum sit, & quid non: cur non credamus & animas sanctorum Dei faciem contemplantium, in eius veritate intelligere preces hominum, & quæ implēdæ sint, vel nō? &c.

Aug. lib. de gratia no. testamē.

DE STATV ET CON-
ditione damnatorum.

DISTINCT. Quadragesimæ sextæ
CAP. Vnicum.

Iudicium Dei non est sine misericordia.
P P iij

Superius de statu animarum ante iudicium dictū est, nunc de statu earū post iudicium.

Quidam autumant malos nullam pœ-
 nœ releuationem habituros: quod con-
 firmant Iacobi autoritate dicen- *Iac. 2.*
 tis: Iudicium sine misericordia fiet illi, qui *super*
 non fecit misericordiam. August. etiam ait: *oçion 4*
 Misericordia hic, iudicium in futuro. Sed *vii 18.*
 illud intelligendum, quòd iudicium damna-
 tionis sine misericordia fiet illi qui non fecit
 misericordiam, pro eo quòd fuit sine miseri-
 cordia. Vel fiet iudicium sine misericordia
 liberante & soluente: qui tamen in aliqua
 pœnæ alleuiatione misericordiam Dei senti-
 et. Ita cum dicitur, misericordia hic, iudi-
 cium in futuro, non negatur quin in futuro
 sit misericordiæ effectus, & in electis, qui
 per misericordiam ab omni miseria libera-
 buntur, & in reprobis, qui minus quàm me-
 ruerint cruciabuntur. Sed hic non sine causa
 dicitur fieri Dei misericordia, & iudicium
 in futuro: quia & hic multis modis misere-
 tur Deus, vocando peccatores & iustifican-
 do, quibus tunc non miserebitur.

DE IVDICII EX-
tremo modo.

DISTINCT. Quadragesimæseptimæ
CAP. Primum.

*Sententia iudicis an voce sit proferenda,
non satis constat ex scripturis.*